

愚

齋

存

稿

愚齋存稿卷第九十五

電報補遺目錄

徐頌閣尙書等致李中堂

鄂督張香帥來電

寄保定楊藝舫運台宗濂

袁慰帥來電

劉峴帥來電

寄各省將軍督撫

江督劉峴帥來電

江督劉峴帥寄李中堂

李中堂寄俄京楊使電

李中堂寄劉張袁三帥電

李中堂寄劉峴帥張香帥電

李中堂寄皖王中丞之春來電

山東袁中丞世凱來電

江督劉峴帥來電

李傅相致西安端午橋中丞電

陝撫端午橋中丞方自太原寄大沽李中堂電

又

北京慶王來電

寄大沽李中堂

寄濟南袁慰帥

濟南袁慰帥來電

又

又

又

大沽李中堂來電

寄西安端撫帥方蘭州魏制帥光燾

寄太原 行在軍機處山西李護院廷簫

寄劉峴帥張香帥袁慰帥

寄甯鄂川督帥皖魯撫帥閩善將軍德州榮中堂

寄保定廷護院雍

寄劉峴帥張香帥袁慰帥

日使李盛鐸寄慶邸電

寄甯劉峴帥鄂張香帥皖王芄帥山東袁慰帥

寄津李中堂

寄保定廷護院雍孫道台鍾祥

張香帥寄東京李大臣電

寄太原王中堂

江督劉峴帥來電

寄津李中堂甯劉峴帥鄂張香帥院王芴帥東袁慰帥
川督奎樂峰制軍俊來電

鄂督張香帥來電

江督劉峴帥來電

又

寄美京伍大臣

寄陝撫端午帥

東撫袁慰帥來電

陝撫端午帥來電

成都奎制軍綽將軍來電

鄂督張香帥寄俄京楊使電

閩督許筠帥來電

浙撫劉景帥暨各司道來電

寄甯鄂督帥山東撫帥

俄京楊大臣儒寄南洋劉峴帥

江督劉峴帥來電

又

又

濟南袁慰亭中丞來電

江督劉峴帥來電

寄甯鄂川三督帥東皖兩撫帥

駐俄楊使寄南洋劉峴帥電

鄂督張香帥來電

江督劉峴帥寄俄楊子通星使電

濟南袁慰帥來電

寄甯峴帥鄂香帥

濟南袁慰帥來電

又

四川奎樂峰制軍來電

鄂督張香帥來電

愚齋存稿

卷九十五目錄

四

見存稿

江督劉峴帥寄李中堂電

濟南袁慰帥來電

北京李中堂來電

又

又

西安岑中丞春煊來電

又

北京李中堂來電

東撫袁慰帥來電

潼關端午帥來電

寄甯鄂魯各督撫

寄福州善將軍

濟南袁慰庭中丞來電

鄂督張香帥來電

寄西安榮中堂甯劉帥鄂張帥東袁帥

寄北京李中堂

寄甯督劉帥鄂督張帥杭撫帥藩台

寄北京慶邸

江督劉峴帥寄東京李木齋星使電

寄太原宋祝三宮保慶

濟南袁慰帥來電

鄂督張香帥寄京李中堂電

鄂督張香帥寄京慶王李中堂電

鄂督張香帥來電

甯督劉峴帥來電

東撫袁慰帥來電

又

江督劉峴帥來電

寄甯鄂督帥山東撫帥

東撫袁慰帥來電

又

劉峴帥寄慶王李相電

寄杭州惲中丞祖翼

寄開封任河帥道鎔

寄西安岑雲階中丞

寄京李中堂

鄂督張香帥來電

江督劉峴帥來電

江督劉峴帥來電

寄京慶王李中堂

寄任筱沅河帥

開封任河帥道鎔來電

寄京李傅相

寄浙撫惲松帥

又

寄各省督撫帥

山東袁慰帥來電

行在王中堂寄北京李中堂電

浙撫惲松帥來電

寄京慶親王李中堂電

寄東撫袁慰帥

寄江督劉峴帥

美京伍大臣廷芳寄鄂督張香帥電

山東袁慰庭中丞來電

寄浙撫惲中丞祖翼

東撫袁慰帥來電

杭州惲中丞祖翼來電

寄開封于中丞蔭霖

北京李中堂來電

江督劉峴帥來電

福州善星源將軍聯來電

寄福州善將軍聯

蘭州李護督廷蕭來電

江督劉峴帥來電

杭州榮方伯銓來電

寄江督劉鄂督張東撫袁三帥

湖北張香帥來電

杭州惲中丞來電

杭州榮方伯銓寄慶王爺李中堂電

寄西安軍機處

浙撫惲菴帥來電

寄浙撫惲中丞

又

丁憂浙撫惲菴帥來電

山東袁中丞世凱來電

寄江督劉峴帥

北京慶邸來電

寄西安軍機處

寄甯劉峴帥鄂張香帥杭惲菴帥

江督劉峴帥致京慶邸李相電

愚齋存稿

卷九十五目錄

八
恩補樓藏版

寄北京李中堂

愚齋存稿卷第九十五

電報補遺七十二

徐頌閣尙書等致李中堂電

八月初十日

留守無人事機危迫公旣調直督授全權務求迅速來京挽回大局徐郁等二十三人同叩

鄂督張香帥來電

八月初九日

招商局承辦鄂省漕糧三萬石曾否運通查六月後海道梗阻陸運艱難卽趕運亦斷不能過山東境此項漕糧想必存滬未運祈速查示如將此項銀解還鄂其虧耗請據實聲明當由鄂認盼復

寄保定楊藝舫運台宗濂

八月初九日

江電轉呈相閱榮相已派留京辦事想仍在保王相落
後失散有無消息所云槍無子者係何槍卽詢呂道生
當爲配子趕運北塘蘆台洋河口山海關各營尙在否
乞詢示傳相約節後赴津

袁慰帥來電

八月十二日
張香帥

兼致李中堂劉峴帥

頃保定電局佳電榮相初八西行云曾迭寄函電
均未接復由西折回又延時日廿六下罪己詔
廿八求直言想均奉到

劉峴帥來電

八月十二日

觀德舉動當無他意謠詠甚多皆不足信

寄各省將軍督撫

八月十四日

傅相奉 旨七月三十日 上諭全權大臣李鴻章着

准其便宜行事將應辦事宜迅速辦理朕不爲遙制接
奉此 旨後先行復奏以慰廑系將此由六百里加緊
諭令知之欽此寄信前來添派 批旨仍未到謹聞

江督劉峴帥來電

八月十五日

廈事日本極重邦交裨益大局匪淺鄙人已電謝
小田切矣傅相便宜行事敝處已轉知蘇皖西撫
暨漕帥其餘各省祈公分電俾咸知 聖意

江督劉峴帥寄李中堂電

八月十五日

俄先撤兵意頗真摯子通所論亦極切要惟回
鑾一節各國兵隊尙未一律退出德續調二萬餘
人亦未到華我無得力大軍駐京恐難邀允統乞
中堂裁酌坤無不從命第無論如何董軍萬不可
再行調回致敗和局伊犁事請嚴切電阻公奉
旨便宜行事似應將 廷寄全文電知伊犁庶免
誤會

李中堂寄俄京楊使電

八月十五日

各國兵不撤 兩宮必不還京左右必多牽掣公

眞元兩電奏均極懇切未知可動聽否至會同諸
疆帥籲請已將來電轉張劉張以西幸爲然劉
尙狐疑其餘亦難與言昨和使自京來密言各使
欲請 太后歸政嚴辦端莊剛庇匪諸人始可
議和此豈臣子所敢言廿九雖有便宜行事之
旨究亦空文慶榮添派尙未奉 旨榮已赴 行
在外人尙有訾議鴻寶處萬難焦急奚似伊犁已
加電勸希密轉稷臣

李中堂寄劉張袁三帥電

八月十六日

頃接美伍使鹽電稱庚電婉達外部據復總統謂

中國所派會議大員須與前在京殘害西人之事毫無干涉者方可會商云查近日洋報前圍攻各使館榮相所統各軍在內此電所謂干涉者或卽指此

李中堂寄劉峴帥張香帥電

八月十六日

頃據日本領事小田切密稱探聞德國欲窺伺長江請將北洋快船收入內港勿令挑釁被擄並嚴密防備爲要

李中堂寄皖王中丞之春電

八月十七日

聞杏蓀云英已與德說明不擾長江似尙近理

山東袁中丞世凱來電

八月十七日

兼致李中

頃據楊運司電稱聞慶邸初八到京十一開議有

四條一東三省公共一天津公共一內地駐兵數
處一須交拳會大頭目未知確否等語凱意似不
確

江督劉峴帥來電

八月十九日

德意叵測青口距膠甚近窺伺實在意中如有確
聞尙祈密示

李傅相致西安端午橋中丞電

八月二十一日

頃寄會銜密摺關係 宗社存亡各國非見此

明旨斷不開議不得不先發制人卽請代繕速發
萬不可增減一字至要至要弟卽刻登舟北上
批旨請電滬交杏孫轉京

陝撫端午橋中丞方自太原寄大沽李中堂電
八月二十三日

廿二由大同縣六百里遞到軍機處初七奉 旨
李鴻章電奏閱悉具見憂國惴惴初三日因崑岡
等奏報與赫德會晤情形已命慶親王奕劻星馳
回京會同該大臣商辦一切事宜著仍遵前 旨
趁坐輪船迅速來京會同慶親王力挽危局所請

添派榮祿等一節所見甚是著卽派劉坤一張之
洞隨時面電會商榮祿現辦事務著俟該大臣到
京後體察情形再行請 旨將此電諭知之欽此
謹電聞並請盛督辦轉達傅相爲禱

又 八月二十三日

廿二軍機字寄十九奉 上諭朕恭奉 慈禧

暫行巡幸太原本非久計長安爲自古帝王州山
川四塞雄據上游著端方審度形勢於西安省城
酌備 駐蹕之所沿途 蹕路所經並飭地方官
豫爲籌備現在時事多艱度支竭蹶 朝廷嘗膽

卧薪務崇儉德該署撫當仰體憂勤惕勵之懷一切概從省約毋許稍涉奢靡是爲至要將此由六百里諭令知之欽此謹電聞

北京慶王來電

八月二十二日

元電計達此間急待開議遲恐生變希轉催李相卽日起程何日可到速電復

寄大沽李中堂

八月二十五日

榮相養電稱霰電敬悉念日於獲鹿將不能卽赴行在情形由蔚廷轉達台端刻下惟有先與慶邸晤商爲第一要義但祿應何日赴津赴京敬候示復祈先通知

各國並由尊處派委員來保迎護爲叩

寄濟南袁慰帥

八月二十四日

榮不回馬奏實無把握李劉張皆同事亦難會奏午帥
承 旨經營西都似無回 鑒意

濟南袁慰帥來電

八月二十五日

頃接太原信禮邸在京病新添端那兩邸入樞廷

又

八月二十五日

馬電實無把握必須謀接應之師吾哥如有知心
疆帥可否密商會合再上專指樞內一相善奎已
有人與商未知何如

又

八月二十五日

接應隊可請出使諸公月聯一軍措詞尤易力量亦大朗西有肝膽請速密謀之如不願多人可專指誤信邪匪倡議招撫欺奏解散引匪入室以致

宗社震動 乘輿蒙塵之某相亦必有裨大

局可否請酌復

又

八月二十六日

內擬致德皇電恐難得體應請與德葛譯密商應如何措詞電由傳相請 旨照電爲妥

大沽李中堂來電

八月二十六日

廿一二阻風廿三開今午後抵沽俄派員來接明
早至塘沽乘火車往海防公所暫住派人進京查
看寓所約五六日後北上由通州進京會商慶邸
津德線務速籌接德兵赴京南勦拳匪尙無往保
定確信速轉護督務將庫款挪存河間或定州爲
要並轉致峴香及抄示方兒瀝甯寓

寄西安端撫帥方蘭州魏制帥光燾

八月二十六日

頃法總領事面稱聞甯夏地方蒙人戕殺比國教士十
五名之多此信傳播外洋恐於和局有礙等語乞速電
示知會將軍鎮道文武各官切實保護免添枝節

愚齋存彙

卷九十五

補遺七十二

七

思補樓藏版

寄太原 行在軍機處山西李護院廷簫

八月二十六日

接慶親王咸電奉 諭旨會同李相議和卽須開議

宗社安危關係重要卽轉各省督撫嚴飭各屬竭力
保護在華洋人及教堂教民如有匪徒滋擾立卽盡法
懲治勿任再生枝節致誤大局等因除電各省外頃據
法總領事面稱山西教士被殺已多平陽等處教士請
轉達全權大臣奏准保護等語但恐京津轉電遲誤謹
先代陳乞電示轉復

寄劉峴帥張香帥袁慰帥

八月二十六日

頃晤德穆使力勸兵犯保定無益有損各國方冀迎

鑒若保定有警 駕赴西安更遠穆詢良鄉傷洋人對
以洋人傷一而滿城玉石俱焚慘酷太甚在保正各教
士必切實保護穆允俟統帥到商酌大約可免進攻聞
其統帥明後日到滬

寄甯鄂川督帥皖魯撫帥閩善將軍德州榮中堂 八月
二十七日

呂使復慶邸宥電稱咸電遵告外部據稱刻尙不能議
事德廷意在先將肇亂之人查明交出已知照各國政
府轉各駐使遵照辦理等語謹聞

寄保定廷護院雍 八月二十八日

奉宥電已將勦匪情形布告各國傳相命轉電尊處將庫款挪存河間或定州弟想定州不及正定謠傳內帑均存保省確宜搬運以泯覬覦保至津京能通文報否如不通可由滬轉

寄劉峴帥張香帥袁慰帥

八月二十八日

鄂感電謂措詞未妥處請電傳相追改查有日會電並無辦禍首字樣故未追改頃保定電奉 旨端莊入樞而木齋勘電日廷要索更換政府大臣奈何

日使李盛鐸寄慶邸電

八月三十日

廿六日接楊儒轉鈞電謹悉遵卽照會外部頃據

覆稱前懇轉達李鴻章奏請添派大臣尙有榮祿
在內劉坤一張之洞聞已蒙添派是否確實並均
係全權請照復等語前接李鴻章電奉 旨添派
榮祿此外未奉確電密探外部之意似均須添派
有全權字樣方可開議應如何答復乞鈞示

寄甯劉峴帥鄂張香帥皖王芑帥山東袁慰帥

八月三十日

傅相卅電開峴帥等公電弟與德使面請電均切實已
單銜電奏德統帥到滬晤否聞卽日北來德兵急欲圖
功先攻陷房山又奪北塘未知以後有何舉動各國兵
均聽調度看來開議尙早等因德統帥宜未及晤

寄津李中堂

八月三十日

德統帥昨到滬留一日未晤德線只能造至滄州津至滄恐難保護

寄保定廷護院雍孫道台鍾祥

八月三十日

孫勘電已轉呈傅相良鄉房山俱陷恐難送長辛店請將正定等處接回洋人暫爲安頓省城保護優待先將人數名籍電知做處以便轉電各國並電傅相與各使商妥何處交接再請照辦以期妥當

張香帥寄東京李大臣電

閏八月初七日

勘電外部謂中國須更換舊政府月立一新政府

各國方能議和等語請尊處徑電傅相爲禱

寄太原王中堂

閏八月初七日

都中刑部被毀黃學士思永聞已出京奔赴 行在候
旨施恩李相云照交片係義和團拏送後交部 上
意似在恩宥之列本擬到京奏懇矜釋該學士如已抵
晉可否求面奏昭雪或應由李相附奏乞示

江督劉峴帥來電

閏八月初八日

傅相今日接篆以後開議一切要電祈隨時電示
再北方兵災缺糧滬上商務停滯南北交困能先
商將招商船照常開行否兄當有良籌

寄津李中堂甯劉峴帥鄂張香帥皖王芍帥東袁慰帥
閏八月初九日

峴帥電阻幸奏必由傅相措詞方緊切動聽 兩宮
方能放心慰帥電請榮赴 行在只可慶李榮三銜局
外不便列入頃傅相電詢樞輔非榮回不可會奏已發
否查兩端均不可緩莫如由諸帥電請傅相單奏較速
若照沁電由傅相敘各帥電語轉奏尤周妥今代峴帥
香帥善將軍慰帥灼帥電傅相云恭閱八月初二日
上諭仰見 聖明洞澈當卽天心悔禍之機天下臣民
莫不欽服現尙有二事關繫大局不敢不直陳一聞俄

德各國皆請迎 鑾回京中 聖答以洋兵未退礙難迎
請但聞 聖駕定期西幸彼謂處分禍首卽可議約若
仍遠行恐尙是緩兵之計於停戰有礙在 聖意因長
安爲古建都地或可久居惟自古遷都出於蒙塵倉卒
必釀成偏安之局出於承平建置乃可奮發自強況洋
兵此次保護宮闕羣願 兩宮北還尙無裂土之意
若兵退而 駕不回京津恐難完壁迫其瓜分而伏莽
亦必多起事若云山川之險我能往寇亦能往況陝災
回憚在京已爲拳匪挾制赴陝又恐爲回部把持誠如
聖諭一誤不可再誤矣應請 兩宮暫駐太原待

和議如何再定行止

川督奎樂峰制軍俊來電

閏八月初十日

魚電深佩謀國之忠惟

兩宮已於初入 啟

鑾幸陝若遽請回駐太原似難措詞未審峴帥香帥別有萬全之策否如須會奏鄙人無不願列名也

鄂督張香帥來電

閏八月初十日 兼致李中堂 劉峴帥王灼帥袁慰帥

杏翁佳電代劉張袁王致傅相公電實深惶駭洞斷不敢請 回鑾亦不願阻 幸陝更不敢請調回榮相三事皆與鄙意不合葑午卦午兩電已陳

明斷不敢列銜乃杏電云電商意見相同又云請
傳相速速轉奏此萬萬不可務望傳相勿列洞名
杏公速電津將洞名刪除若已發電洞只有自行
電奏聲明此件意見不同並未與聞叩禱祈鑒並
盼傳相及杏翁電復

江督劉峴帥來電

閏八月十一日
帥慰帥

兼致香帥

鄂葯亥電悉洋兵未退 聖駕未可還京若由陝
回晉尙可奏請然須由全權酌辦語方切實榮相
回行在未便由外陳請敝處於此事所見如此
頃滬卦電兩端乞註銷應作罷論

又 閏八月十一日 並致香帥慰帥

鄂蒞午電所見甚遠大極佩此時萬難回京坤已
屢言之回駐太原與否應請全權酌奏語方切實
今 啟鑾已數日恐未必遽回耳鹿入樞似剛趙
已撤請鄂電詢午橋

寄美京伍大臣 閏八月十一日

李治請商美華派總工程司

寄陝撫端午帥 閏八月十一日

慰帥真電原定初八日 啟鑾慶邸聯留京王大臣奏
請 回鑾大約稍緩 西幸等語初八究已 啟鑾否

抑改期公何日出轅迎 駕乞示如有電 旨電奏請
派藩司轉遞

東撫袁慰帥來電

閏八月十三日 督帥

兼致劉張兩

陝電稱仍待京佳音赴汴回京語尙可信乞杏公
速電傅相趕議退兵 回鑾迅電奏冀可挽回佳
音想指退兵說頃接太原初八探報 西幸事王
公以下均不願日行只七八十里並傳尖站限三
十里內董初七開馬步三十一營旗兵數寥寥隨
扈惟岑部四旗馬軍初九開云

陝撫端午帥來電

閏八月十三日 軍督撫

兼致各省將

方遵 旨赴潼關迎 駕十六起程諸帥如有電
奏陝代繕者請逕電署藩司馮照發馮署司人極
謹密必能妥速無誤如有緊要事件必須方親辦
者亦可電交馮署司包封轉送謹聞

成都奎制軍綽將軍來電

閏八月十四日

西幸各國梗議非明降使知事定回京甚慮大局
變動岷帥會奏之稿剴切詳明萬一 聖意願回
太原固屬穩妥卽幸陝彼知暫局和議當不至中
梗也承代列銜甚感

鄂督張香帥寄俄京楊使電

閏八月十五日

江電深佩忠悃奉吉江三省確失幾處直隸除房
山北塘之外有聯軍占踞者否山海關如何外部
必知均望速示此各節 行在皆不詳知公能將
敵人各國占地日多情形及各國刻下擬如何舉
動或各國商定之計謀或一國自存之意見詳晰
電奏或電傳相江鄂設法入告 朝廷必亟圖轉
圍似亦補救大局之策盼速復

閩督許鈞帥來電

閩八月十五日

閣下此舉種福宏遠京畿士庶咸頌萬千無量功
德欽佩之至當飭司局廣爲勸助以襄善舉章程

妥議速寄爲望

浙撫劉景帥暨各司道來電

閏八月十五日

承示與各善士集貲設局籌款運糧救濟在京受苦之官紳商民請李傅相設法轉交各省同鄉妥爲經理高義苦心功德無量現商同在省司道各助銀五千兩卽日匯寄稍盡微忱奉託鼎力彙辦
莫名感禱

寄甯鄂督帥山東撫帥

閏八月十八日
呂軍門孫道台

兼致廷方伯

李使嘯電稱頃參謀本部言德提督下令攻保定英法意等軍皆往日本不從并言戰自難勝且彼以兵力攻

取之地更難退還不如退讓尙可全軍云云囑密陳等語除轉京傳相外但恐京電不通如自揣兵力不勝李使電係照公法而言似亦可採

俄京楊大臣儒寄南洋劉峴帥

閏八月十五日

幸陝殊非得已然 回鑾則議速 西幸則議延恐礙大局公齊電云欲諫止甚佩儒已文電奏阻未知濟否俄主外部均赴黑海尊電并傳相電每次譯轉力催開議如復語延宕惟有親赴黑海分商請轉香帥

江督劉峴帥來電

閏八月十九日

兼致張香帥

袁慰帥

滬德總領事克來電稱十五日聯銜來電已轉達
本國茲本國政府復電聯軍並無往山東之意特
電札總領事轉致貴大臣查照等語已會香帥電
謝顧全大局請克領轉達德政府矣

又

閏八月十九日

兼致張袁兩帥

勅董件無消息恐難有濟傳相久無信尤悶敝處
覃電杏翁想轉京有回音否德復書今晨已轉事
亟矣惟盼傳相直陳存亡聽上決擇奉失保危確
否祈示

又

閏八月十九日

兼致張袁兩帥

事機日緊一日迄無確切辦法萬分焦急此事非釜底抽薪終難結束愈遠延愈變幻望杏翁速查明電傳相入奏

濟南袁慰亭中丞來電

閏八月二十日
張兩帥

兼致劉

德國電僅免索交仍須嚴辦首禍其請回鑾一

節較日電稍鬆然均歸於現仍不能開議卽不能停戰攻保據奉皆在意中大舉西向久恐難免慶李在京亦必束手夜長夢多愈拖愈壞宮保香帥均奉命會辦可否將攻保據奉各危急情形隨聞會報似亦有益

江督劉峴帥來電

閏八月二十日

此舉非慶李勤速具奏幾無解救策倣處昨夜電務請杏翁密速轉致受毒太深不葯則殆矣青島報何事祈示

寄甯鄂川三督帥東皖兩撫帥

閏八月二十二日 李中堂轉

代

傅相駁電稱鄂葯電以杏佳電未協與鄙見同各國與慶邸等堅請回鑾均未允榮相已由鴻電奏呈行在未復昨在京商同各使開議惟俄德在津未回須稍待德主國電請嚴辦罪魁美外部亦同均轉奏聯軍已赴保定接教士若善待之或免禍尙無入東意都中蹂

躡不堪除宮殿外無一免者停戰退兵早遲難必奈何
等語謹奉聞

駐俄楊使寄南洋劉峴帥電

閏八月二十一日

俄先欲俟 回鑾開議儒屢電外戶部敦促並自
來黑海面商頃據稱已飭格使速回京又稱如開
議俄必爲各國先索償俄必較各國少以作榜樣
仍盼早日 回鑾和議較易就範等語請轉香帥
謹聞

鄂張督帥來電

閏八月二十三日
袁撫台

並致劉制台

此時德兵雖到保必不攻城踞地蓋德主覆國書

已到該使處必已告其統帥停兵候信若肯照來書略加懲辦雖辦不滿意亦可不攻但不允卽時開議必又催逼重辦尙可推延旬日若二次還價太遠則必攻矣此時已有轉機惟盼上意立時轉圜耳

江督劉峴帥寄俄楊子通星使電

閏八月二十四日

聞俄意欲各立各約祈密探示回鑾恐難速而必不遷都請各國勿慮

濟南袁慰帥來電

閏八月二十四日

未使奏摺有損無益或另有深意四銜折衷會請

當不至徇三四人竟棄大局況諸人實有罪卽無
外人要請亦應懲辦德日兩國電亦須預定辦法
委婉作答惟近日絕少正文不辦不理諸全權如
何行事

寄甯峴帥鄂香帥

閏八月二十五日

保定局梗電稱聯軍明日至今日住安肅來意甚銳紳
商已先期犒迎備館城內移附郭數村民以住兵能免
蹂躪不可必並將西犯晉等語謹聞

濟南袁慰帥來電

閏八月二十七日

僅調毓恐未能止兵或謂言之不驗且聞錫清弼

面稱毓赤心爲國

慈聖爲落淚倘竟調赴

行在候議又增一毒似宜審慎

又閏八月二十八日

昨由司道送閱尊處電劄章程因在京之各省官紳商民猝遭浩劫困居望援仰荷諸大君子議設濟急善會酌量接濟囑卽設法勸助敬悉佩甚弟等亦有同志本應寬籌多寄惟東省災歉頻仍現又各處不靖官民交困籌勸實甚爲難卽如前由北逃避過路缺資者弟等各自解囊酌濟亦未他籌然此次至大至善之舉又復重以台命焉能袖

手亦不便過遲茲先由弟商同司道措備庫足銀
三千兩由振局電滬捐局撥付到祈查收原諒嗣
後如再有可籌可勸之處容續電聞

四川奎樂峰制軍來電

閏八月二十九日

昨奉廿日 廷寄已將暫行駐陝之意明白宣諭
外人當可釋然峴帥會効之件日內可邀 御覽

朝廷納言必能分別安置或不致再稽開議聯
軍原無西追之意但恐爲毓深入晉亦可慮此節
各帥都未奏明不審 朝廷能洞悉其由速置重
罪以止敵軍否

鄂督張香帥來電

九月初二日 慰帥

兼致劉峴帥袁

江甯電請傳相詢商各國極是事定 回鑾先行
宣示公疏雖未邀允然 諭內有長安原係暫行
駐蹕一語鄙人所附之片想力贊都秦之諸公總
不能不入覽動心鄙人本言不勸 回鑾不阻
幸陝專爲附此一片說破險遠無益諸公之意亦
只爲先行宣示以免敵人西追若都陝之意漸改
則此疏似亦不爲無益

江督劉峴帥寄李中堂電

九月初二日

勘電敬悉賴公堅忍磋磨將次開議懲禍首摺已

有電 旨密擬具陳似可迅商各國據以入奏存
亡所關度必邀允聯軍日西遼事日壞非速議難
以止兵將來賠償款鉅從何設籌若如子通勘電
均沾外又有獨得各國仿行更爲不了時勢至此
焉能以唇舌力爭盡吾心而已

濟南袁慰帥來電

九月初六日

剛毓死端莊留潼勢已衰姑請邸相一手經理且
諸使意向在外者究屬隔膜

北京李中堂來電

九月初六日

轉孫道鍾祥冬電悉五月杪保垣英美教士被焚

殺數人因廷藩招納拳匪入城外人怨憤清河道署教堂沈梟派人自焚此次看守各國公議恐難轉圜未知辦法輕重只能聽其自爲仍屬將以後情形轉報德法兵聞須留保過冬

又

九月初七日

據孫鍾祥江電稱法兵官現將保府至正定毀剩之電線三線中拆卸兩線移修南至正定北至安肅電線因知德州設馬撥接遞電報之事今又派人去看其意亦欲佔據果爾則文報勢必阻礙機事不能轉達關係甚大請速與法使說明冀可挽

回又英提督不日撤兵赴京省城英界聞歸德帥
統轄但德兵淫掠不堪請轉求中堂切商德使知
會德帥嚴加禁約功德無量等語可否商德法使
北京李中堂來電

九月初九日

兼致峴帥香帥

各使堅請將十一人正法已死者尙不深責此事
竟無辦法徒費時日而已魏午帥助振乞道謝

西安岑中丞春煊來電

九月十二日

並致各省

陝省災重且廣前經電懇設法借助蒙允籌協深
感已飭局將實收捐章趕辦咨寄勸捐歸款惟現
值 鑾輿臨幸愿軍雲集百物愈貴生計愈難岐

山咸陽兩縣嚴寒戒節凍餒交加關內飢黎子遺
有幾況目下人心浮動尤恐飢寒所迫潛煽奸謀
輦轂之旁患尤可慮惟有懇求大力廣勸貴省僚
屬紳商解囊欽助以保民命以固邦本如有慨捐
鉅款者當奏明特沛殊恩拯溺救焚想仁人必
爲惻念也干叩萬叩仍祈電復

又

九月十四日

轉保定孫道台來電

接據孫鍾祥文電稱道署教堂並非沈泉派人自
焚當日羣衆屢欲焚燒城內教堂延藩阻之不得
恐因此延燒衙署民房故令首縣雇人將洋房拆

去並與教士杜寶祿說明事後造還教堂因得保全此乃苦心辦法若洋人以此歸咎沈臬實爲冤枉可否請傳相持平剖白英意兩國兵已於初六七撤回京德分兵往易州搜拳將擾 陵寢封閉鎖鑰交英收紫荊關駐有升兵及武衛軍將英德兵傷斃十餘名現添洋兵往援恐又開衅完縣王令開運及典史汎官均被洋兵殺害正定祁州等處均有德法兵開往法兵將往獲鹿大同等處欲佔各電局等語謹聞

北京李中堂來電

九月十一日
南撫

並寄甯鄂督濟

庚電新政條目公有成竹代理財卽以還債某不
敵信用人則去一頑固來一頑固如何卽如鄂裕
晉錫滬程英不謂然豈曰無理若論自主之權又
無准理聯軍前隊未至獲鹿然十一人不殺三女
勢所必至非特開議無期

東撫袁慰帥來電

九月十二日

恭譚真 諭雷霆不遑姑宜靜聽陝庚電似無所
依據只弄文耳大可不理

潼關端午帥來電

九月十三日

請在滬購備貂皮大毛中毛小毛三種男女袍褂

各全套羊灰男女袍褂各全套銀鼠男女袍褂各全套專弁解陝進御如尊處願作貢物亦可

寄甯鄂穆各督撫

九月十八日

頃奉篠電 旨宋慶等奏洋兵奪踞紫荆關等情併著向該使理論退出毋再任其西進爲要欽此除轉京外謹奉聞

寄福州善將軍

九月十八日

全權奏各使請於查辦九人外加毓董二人均正法並請回鑾再議約 旨不允廷雍奎文等被害紫荆關已失開議無期奈何

濟南袁慰庭中丞來電

九月二十一日
帥香帥

並致峴

香帥擬致樞廷電誠恐無益復國書自不可緩然
必須懲首禍始有詞可措總之不辦首禍千言萬
語均屬贅文

鄂督張香帥來電

九月二十四日

電 旨到滬京者電奏到陝者均必先過漢口若
滬再轉多遲一二日擬請台端轉飭武漢兩局如
有上下官報於過境時先送敝處一看以便早籌
且免奏中參差貽誤密者斷不先洩敝處擬派一
小委員駐漢局經營此事薪水火食雜用皆鄂出

此時機要鄙人似可與聞務飭新局照辦至禱

寄西安榮中堂甯劉帥鄂張帥東袁帥

九月二十五日

東京李大臣電稱頃晤加藤告以全權電奏加答現未
開議恐係從旁探聽尙非公言鐸謂近支不加刑各國
通例實亦宜分輕重趁議未定請設法維持加答姑商
各國但一概保全總辦不到等語乞轉兩帥前電并轉
榮相等語特奉聞

寄北京李中堂

九月二十六日

巴黎裕甯電稱奉諫電焦懋彼氣方張本無理可說屢
向外部切論總以事關各國且旣派全權不便遙制而

博採朝野私議僉謂中國不按誅罪人又不盡允所求和局萬無指望眾口一詞以現情論正在危急若罪人先辦得道地其所開各件可酌允者亦尙須遷就或可有望若二者入手皆不穀分數恐愈久相去愈遠難以挽救瀝陳伏候酌核等語宣謹轉

寄甯督劉帥鄂督張帥杭撫帥藩台

九月二十七日

衢州教案頗有借題發揮之意姑將景帥寢電面與霍必瀾解說再復鄭永禧父子及羅姓究已拏獲否請浙電復已正法數名供詞速寄提省十餘名望速研審錄供寄示香帥請派兵前往拏辦尤不可少

寄北京慶邸

九月二十八日

據太原錫清帥有電稱效電悉晉省各國教士自良到任卽派兵飭屬認真保護實無危險拳匪半係客民正法數起現均遠颺地方靜謐不致別生枝節請轉慶邸等語宣謹聞

江督劉峴帥寄東京李木齋星使電

九月二十八日

日政府始終顧全大局可感中國蹂躪至此脂膏已竭償款若鉅力實難勝旣欲全中國須使得以自存祈致謝外部並請敦勸各國數務從少禱甚

寄太原宋祝三宮保慶

九月二十八日

京電雖尙未開議已略有端緒外人尙以毓辦得太輕爲詞

濟南袁慰帥來電

九月二十九日

相電口氣尙鬆證以德提督語意似有轉機俟和議算定

兩聖回鑾董毓當不難辦

鄂督張香帥寄京李中堂電

十月初四日

此次江鄂調動之說不知從何來閏月內小田切有電來詢當以並無其事復之大約因傳言將令劉張赴北京會議條款而起以後滬上謬報紛紛添造峴帥沁電言德提督面告謂董意欲將劉張

調開漢口亦有此等謠言愈說愈遠不可究詰矣
鄂督張香帥寄京慶王李中堂電

十月初四日

此次衅由民教相仇而起若不籌良法終難永久
相安似應與各國婉商專設一條妥議章程令教
民不得橫行美國既增教案被議人員不准復用
之條亦應籌民教相安之法方爲探源亦昭平允
此條似宜託美使商之管見備裁祈鈞酌

鄂督張香帥來電

十月初一日

杭甯滬各電悉英提到鄂自必力勸和平商辦仍
請杏翁隨時相機勸解

甯督劉峴帥來電

十月初三日

並致張袁兩帥

濟致榮稿透澈動聽甯鄂會奏已於昨申照鄂東
亥電添改電陝約今明可上達祈杏翁查照底稿
電京懲罪入條款已不如自先辦得體矧開議不
易耶

東撫袁慰帥來電

十月初四日

並致峴帥香帥

電 旨又有轉機姑待邸相奏復內意所謂萬不
可行者想必無之滬道所言尙未聞總之絕書一
到仍無辦法勢成騎虎何所不至現在要義惟設
法請辦首禍全局自活

又十月初七日 並致劉峴帥張香帥

照會不到開議無期人可從容進兵四出焚掠我則事機善變過時又懸時值隆冬直境數百萬失所難民極堪痛念

江督劉峴帥來電 十月初七日 並致張袁兩帥

前讀慰帥兩致榮相電實深欽佩預効董疏稿仍求慰帥大文弟日來憂心如搗思慮枯竭且於董罪案究不若慰帥知之詳盡

寄甯鄂督帥山東撫帥 十月十一日

頃前英滬領事哲美森出京來言各國意欲將禍首出

我自行拘住聽候查辦董尤重開議各款已請本國示大約公照會到日不能駁減賠款不列數目候復允再估價云云特奉聞

東撫袁慰帥來電

十月十七日

並致劉峴帥張

甯鄂各電敬悉謬獎甚愧鄂意先催調董明文會稿備用則前電催將董福祥調開嚴辦一語不可改唯告人劾董一節似仍不可用餘續函詳

又

十月初十日

鄂佳電悉奏稿甚緊切惟江鄂已屢奏劾董濟之何爲二語宜刪去恐內嫌兩帥劾董輕告外人催

將董福祥調開嚴辦一語似宜含渾只言催將首
禍分別嚴懲因恐局外疑我輩代漢人說話耳

劉峴帥寄慶王李相電

十月十二日

呂使電東陽兩電悉切託外部德無西偏意懲首
禍屢經磋磨語氣稍鬆董事剖說利害似可從緩
已遵電詳告唯諄囑議款速允深盼 兩宮回鑾
答以不損中國自主權 中朝亦願速結和議有
成方能 回蹕問各款經各國會商已交刷使俟
八國會齊呈遞乞杏翁轉慶邸李相張督

寄杭州惲中丞祖翼

十月十二日

唐荊不棄 卷九十五
三
彼所謂罪魁鮑與鄭羅爲最要鮑之外必及鄭羅來函
務請詳敘雖允自辨然辦抵償亦甚難且太過全在蓋
籌弟必竭力霍已回擬候函到再約會晤小田頃來見
已與說開屬勿偏聽

寄開封任河帥道鎔

十月十五日

尊電已轉傳相乞退能否邀准宣曾嚴劾毓賢上已允
辦董帶親兵回甘各國意猶未足日內開議賠款最難
吏令因亂尙乏位置事定卽設法

寄西安岑雲階中丞

十月十七日

奉虞電後卽分行勸募因各省商務停阻兼以各督撫

正在勸辦紳富捐更難雙管齊下幸蒙奏准給發實職
空白部照可稍藉手惟勸捐不能速墊款不能多而待
賑飢民刻不容緩擬請台端遴委賢能分赴各州縣先
辦普賑一次如能按照義賑章程委員親查戶口分別
極貧次貧隨查隨放不假衙署書差之手尤霑實惠向
來義賑只能擇極重州縣提辦加賑此次嚴作霖到陝
已在臘初帶款無多人手亦少其勢只可提辦加賑專
恤重災切不可守候義紳義捐轉致延誤民命我公飢
溺爲懷弟與施嚴諸同人無不仰體仁慈竭盡心力斷
無推諉惟事關民瘼不敢不據實直陳

寄京李中堂

十月十七日

並致甯鄂督帥山東撫帥

慰帥電稱洋兵已抵安陵吳橋距德州只五六十里瓦帥相約不赴滄景南向鹽慶皮光吳均在滄景南峴帥電萬一入東境迎距兩難聞已驗全權憑據何復用兵不已請電邸相設法勸阻少到一處百姓少喫一分苦等語昨告德領兵犯東省地方必凋殘鐵路商務必敝於德有損德領亦云必不犯東但恐界畫不清乞再勸止

鄂督張香帥來電

十月十九日

武漢江線望速修復鄂助一半似於商局輕省多

矣

江督劉峴帥來電

十月十九日

西安電請杏翁速轉京邸相請撤銷李秉衡卹典
奏稿祈速查示

江督劉峴帥來電

十月二十日

並致鄂帥

惲中丞在浙官聲極好素顧大局遇有交涉無不
竭力調護并無顯恨西人之說英使必係誤聽能
否設法挽回祈兩公酌示

寄京慶王李中堂

十月十八日

太原嘯電稱據報探云洋兵已到東天門云開議在卽

恐滋衅端已電錫帥宋帥切勿開仗請速商瓦帥各使
勿再進兵宣謹轉

寄任筱沅河帥

十月十九日

奉中堂效電開任元電悉直軍冗多餉僅葉運四十萬
各營耽視裕錫尙從旁爭奪兄持公論極允款議就緒
惟禍首倖生毓當誅耳假滿望強起云宣謹轉

開封任河帥道銘來電

十月十九日

時局未定擬再續假毓賢在東信用拳匪復向徐
剛力言面陳上聽涑水起事聞毓賢主之釀成
古今未有之奇變此時法人在正定獲鹿添兵運

礮意在西趨自應速誅毓賢以平中外公憤吾弟
劾疏當能得力傳聞議約更有難於賠款者又聞
傅相欠安系念之至如有確聞乞速示並請尊公
安老友闊別念甚史令仍祈留意

寄京李傅相

十月二十二日

衢案奉 旨會同惲祖翼迅速查辦了結英派霍必瀾
駐滬專管互保交涉堅稱鮑祖齡指使已允其發遣永
不釋回尙未愜意乞晤薩再疏通

寄浙撫惲菴帥

十月二十三日

頃奉軍機處廿一日電盛京堂轉浙撫密奉 旨浙江

衢州教案著派盛宣懷會同惲祖翼迅速認真查辦妥爲了結毋再延緩欽此謹奉聞

又

十月二十四日

鄭羅用教士解說得歟城守最着意霍言周罪確否鄙見不必當作教案辦只算殺無辜十一人誰是起意誰是喝令誰是兇手誰是見死不救庶幾情罪悉當今日霍又向繙譯催復可否先密電示

寄各省督撫帥

十月二十六日

前月慶邸李相電屬各省指查進出各項實數迅速電復現將開議兵費亟須預籌尙有八省未復京電催轉

乞迅速電示

山東袁慰帥來電 十月二十八日

美敦書一說久無消息各處迭有可望開議之報彼此參差先後矛盾行在或疑爲扶同恫喝電榮電樞恐均難益甚盼邸相查明確實情形詳切電奏我輩始可著筆如空文太多恐損正事尊意何如

行在王中堂寄北京李中堂電 十月三十日

國步艱難賴公旋轉敬想賢勞小孫在京仰蒙照拂又承給照護送冬衣來陝感謝何已昨 恩擢

正揆慚悚萬分惟有勉力追隨期無隕越陝寓均
安乞諭小孫知之

浙撫惲菰帥來電

十一月初一日

續開名單已電札兼行勒限務獲惟閱時既久風
聲緊急兇犯大半遠颺獲否難定前送供單八名
或係親口認供或係眾供確鑿萬無可疑若云全
是刑求何以拏獲五六十人僅此八人有供也教
士所指則毫無疑議承審官所訊則不置可否均
未得情理之平公晤霍時乞將此意婉言之或冀
其漸有活動不至借此生事也

寄京慶親王李中堂

十一月初四日

峴帥支電稱接木齋電據參謀部密告禁械款內有細章如限兵數禁製造械彈購兵船禁用礮隊及快槍等款皆在內務宜力爭必不得已只可允除奉 旨購買外不准軍火進口此外萬不可允至償款撤台較此尤重大宜放鬆別款專駁此條否則斷難立國鐸謂外部所述不同彼謂各使所議未列細章故外部不知云所言果確外侮固不能禦內匪亦不能辦何以爲國請密速電邸相相機力爭爲要宣謹轉

寄東撫袁慰帥

十一月初六日

東三省必月有專約賠款擔保公有善策否如不預籌
仍恐干預利權

寄江督劉峴帥

十一月初六日

呂電已密轉此約陽似和平使我易允陰實包括補救
殊難宣以廢材濫邀遷擢但求常依字庇而已

美京伍大臣廷芳寄鄂督張香帥電

十一月初六

江電切商外部據密稱衛隊卡兵本非美意停購
軍火雖無暫字亦無永遠字且有專字凡可作別
用者當不在內所有各國減少兵數刪除永遠字
停購年限及礮臺各節應由議和大臣與各使妥

商迭晤外部抗論婉商冀裨大局何敢言功惟望公等旋乾轉坤又安中外耳

山東袁慰庭中丞來電

十一月十一日

鄂兩電奏想已鑒願聞尊意行在羣言方興如勸鄂公遇有要意先切實電邸相稍緩奏陳庶免誤會者阻撓大計數日來邸相無電又有夜長夢多之慮

寄浙撫惲中丞祖翼

十一月十三日

新甯元電稱頃遣員將浙案照尊意商霍領尙無異詞告以喻鎮患病甚重難以解浙渠亦允並知浙新撫辦

理此案甚爲認真復告以羅鄭冤枉亦唯唯謂稟候公
使核示日內晤面當再切勸和商冀早就緒等語霍尙
在甯公宜加電懇新甯切勸

東撫袁慰帥來電

十一月十六日

會辦商務新政已見大局幸甚恭賀大禧

杭州惲中丞祖翼來電

十一月十六日

香帥昨電籌借國債用洋人司局以取信宗旨極
是舍此亦難籌鉅款惟茲事體大必須預杜流弊
各省辦理極難公當有妙策滬地必有英國及外
國向辦國債章程務懇從速覓寄一分或可與僚

友酌度情形稍參末議不勝延盼

寄開封于中丞蔭霖

十一月十六日

開春 回鑾擬經陝州河南府至孟津渡河由懷彰衛
入直境沿途須趕造電線請飛飭沿途州縣購辦電桿
每里捌根每根長二丈八尺梢徑穿心五寸約價若干
乞速示

北京李中堂來電

十一月十八日

廿八函悉連日與南皮抗爭想得見伊怒亦不恤
懲辦 旨當卽下董難處耳

江督劉峴帥來電

十一月十九日
袁中丞

並致張制軍

滬兩嘯電悉圖董似宜從緩外人或可商但不可
事後忘情耶相鹽電稿祈杏翁速示

福州善星源將軍聯來電

十一月二十日

賠款數目定否香帥緝電以不借洋債爲宗旨自
係至論但必正本清源用行政勿蹈舊習方能
舉辦轉移風氣公有良策否

寄福州善將軍聯

十一月二十一日

和約將盡押賠款未定香帥借民債而息借不息昭信
不信豈能大舉正本清源必俟公進政府

蘭州李護督廷簫來電

十一月二十七日

承籌墊廿萬並派嚴君等來陝賑濟億萬災黎得
延殘喘感激大德直無津涯元電奉到卽飭司確
查頃據復稱甘省二十五年共收釐金鹽課茶釐
罌粟及各項常稅銀三十四萬兩零查無徵多報
少之弊儘數撥充兵餉修工廉費驛餉等項均係
額支數目萬無可省二十六年收數尤絀支款難
減更無可籌等語乞轉達爲禱敬轉漾電謹悉並
達甯夏將軍矣

江督劉峴帥來電

十一月二十八日

德瓦果俟覲見後起程恐上有爲難請杏翁電

京相機商瓦先行方與 回鑾無礙

杭州榮方伯銓來電 十二月初二日

前上兩書計荷垂察衢案忽將銓牽涉前者蘇報橫議時卽恐外人誤信其言當因不敢徑陳曾乞崧帥託我公向外人申辯乃外人終惑於流言除懇崧帥乞公代電邸相外仍求就近向英領事力辯冤誣我公仁者諒必援手不勝感叩

寄江督劉鄂督張東撫袁三帥 十二月初三日

寄樞電如下宥電遵達全權董事當緩辦釋疑接傳相冬電各使正爲此事會議亦知急辦生變但說留作後

圖聞德意禍首不辦藉詞永不撤兵恐生大變若以
密旨給看或是緩辦釋疑一法事關緊急希商復云現
聞各國領事皆稱懲禍賠償兩事不妥必不撤兵瓦帥
如欲俟 回鑾後起行則草約雖盡事尙未已乞鈞裁
云

湖北張香帥來電 十一月十七日

武漢江線不通遠繞九江事急風多往往誤事務
望速將江線接好聞費約萬金擬鄂省商局各出
一半祈速示復

杭州惲中丞來電 十二月初四日

接峴帥冬江兩電派汪道與孫領事辯論已允電
霍轉圜並與我公晤面商辦未識霍意如何已往
約否頃又接尊處所轉邸相來電語尙切實擬斟酌
數語請公挈名作復惟霍推公使薩又推政府
則峴帥所擬合電外部一層亦是緊要之着未見
香帥復電公能一催否

杭州榮方伯銓寄慶王爺李中堂電

十二月初五日

今夏衢州教案實由當時同城官吏未能救護其
餘遠在省垣之官猝不及知迨既聞報卽嚴飭查
拏肇禍各犯以後重犯就獲皆由嚴檄催檢榮銓

時任臬司別無事權凡職所應爲者未嘗稍忽前者蘇省報紙忽謂五月念四念五 廷寄係銓促劉景帥抄傳不知實景帥一時不及細思至於宣示且旋即嚴令繳回司署更未先聞也讒言中傷已可想見當閱此報並由滬友告知外人已信其言急求惲菴帥託盛京卿向外人力辯其誣菴帥已託昨京卿致菴帥電謂英領事奉其駐京大臣諭仍堅說衛案由景帥及銓嫉視外人而起必欲嚴處云云榮銓一官無足輕重第誤聽者毫無事據且本司衙門凡嚴札飭拏滋事凶犯均有案卷

可稽衢案之首先被害者係吳令德瀟渠遵檄保
教此爲大吏不嫉視外人之證再銓與吳令同年
更無仇視華官之理乃忽爲怨家傾陷未免過屈
因思王爺中堂深知銓者乞速向駐京英使臣剖
析則銓之奇冤當可昭雪矣

寄西安軍機處

十二月初七日

浙憚撫魚電稱初六丁憂衢案未結英總領事前來照
會請辦鎮道府營紳士及地方賠卹等事內有英政府
擬定辦法前撫劉前臬榮嫉視外人應先革職永不敘
用等語正賴閣下認真辯論設法磋磨之際目前此缺

頗關緊要伏乞密電樞廷請簡近省賢員迅速赴浙接
篆以期妥協云

浙撫惲恭帥來電

十二月初八日

承慰唁極感聞訃急欲星奔儻以我公簡浙則十
一府之幸翼尤萬幸已有消息否法總領來電以
溫處近有鬪教匪徒要派兵輪會同地方官查辦
其實林少耘來稟早經擊退並斃六匪翼又電飭
甯波派營會剿決可無事已電復白領阻其兵輪
前往請我公再派與彼說得來者切實化解爲要
苦塊中豈能長辦此等事耶悲泣眩暈乞公拯之

寄浙撫惲中丞

十二月初九日

溫事卽照尊意面告白領事新任未到以前要事只可奪情權理移孝作忠刻刻念之

又

十二月初十日

頃白領事面稱浙於耶穌教辦理甚認真何於天主教漠然教民多遭燒殺故不得不派兵船赴溫弟謂惲中丞辦案不遺餘力當將尊電與閱白謂不怪惲請速告道府卽與在溫法教士面商了結之法若聽其自然彼聞到領事欽差處便成鉅案請速發六百里飛飭道府遵照爲要

丁憂浙撫惲菴帥來電

十二月十二日

傳相處尙未將聞訃電告因思衢案縣而不斷彼所挾堅甚未必遽肯輕減相持日久慮生他變此中淺深輕重惟我兩人知之祖翼奉諱去官不獲始終其事我公尙在局中不能不熟籌轉圜之法卽如鎮道加重羅道權另行重擬揆諸天理國法均說得去擠到盡頭豈能愛惜彼見我加重一二人或就此肯受商量放鬆全案擬於告喪電中詳細附陳俾傳相洞燭底蘊設法與彼磋磨到山窮水盡時隨機應付了此大獄尊意諒必相同卽日

擬發京電仍由滬轉請我公譯看妥酌如有未盡之意公再加電同發可耳

山東袁中丞世凱來電

十二月十四日
小舫觀察

並致嚴

京員告急函電絡繹情形可憫前迭詢兌京款一事未奉示復或有難張羅處無論能否兌往務祈示知公等善人當不致使京友坐以待斃

寄江督劉峴帥

十二月十四日

浙撫余聯沅署理十八赴任使英似宜一品方體面邵病可惜新政 諭旨日內可見

北京慶邸來電

十二月十四日

行在總署撥回罰款卽希尊處酌量照不甚喫虧
辦法匯京

寄西安軍機處 十二月十五日

頃奉咸 旨遵已轉電張百熙並且告以英君主薨逝
嗣君新立 兩宮已分致國電唁賀聲明派專使前往
上意甚重此行接奉此 旨卽迅赴 行在並將起
程日期先行電奏以慰 聖廑云謹聞

寄甯劉峴帥鄂張香帥杭惲菘帥 十二月十六日

頃與霍璧兩領事會晤彼云英使欲將六人正法請照
復宣與力辯鎮道寶因江山土匪犯郡內匪戕殺縣官

致失保護並無指使與毓賢大不相同知府更無權力
情尙可原只能議擬發遣周之德吳攀英應議斬決彼
又謂劉前撫通行 上諭榮前臬請撫台行 上諭以
致團練本防土匪者改殺教士宣告以 上諭向例通
行劉未行文一接保護之電卽加意保護故衢案外並
無他處滋事臬台更無請行文事新聞傳述斷不可信
霍催復甚急並謂惲未交卸請卽會惲照復以憑電商
政府公使候余到任恐遲擬明日會菰帥銜照復仍乞
賜教

江督劉峴帥致京慶邸李相電

十二月十六日

增祺與俄私立條款實關中國安危大計各國耽
耽虎視此次允和而不佔疆土因彼此猜忌互相
牽制若允俄獨得東三省政權兵權無異地爲彼
有各國必將效尤分裂之禍立見近因報載此事
各國業已議論蠡起謂俄所要索中國如能堅持
不允俄雖橫各國決不直俄俄亦未敢妄有舉動
允之則是中國願了卽曲不在俄各國卽不能不
各圖分據是目前爲中國計尙可望各國牽制未
必遽有失地之患一允卽必逼成瓜分之局勢必
名實俱亡與其允而失中國何如堅持勿允雖弱

猶可圖存此中利害王爺中堂必已鑒及務望奏
請將私約作廢祇能允其保護鐵路一事凡關涉
自主之權皆萬不可允一面密商各使以爲箝制
之計日爲唇齒英德忌俄亦甚皆可與商危急存
亡事機萬緊惟賴王爺中堂主持千萬叩禱宣謹
轉

寄北京李中堂

十二月十七日

十七開議詳約提及兵費有數目否乞速示明降准行
新政有母子一心語似有轉機臣民之福

愚齋存稿卷第九十五